

SJEVERNA ITALIJA NA DRUGAČIJI NAČIN

Cijena za prvih 5 osoba: **280 KM**

Regularna cijena: **310 KM**

1. DAN 04/05/22 srijeda SARAJEVO – VISOKO - KAKANJ – ZENICA - ŽEPČE

Polazak iz Sarajeva u večernjim časovima u 21:00 ispred Zemaljskog muzeja. Noćna vožnja preko Hrvatske i Slovenije, uz kraća usputna zadržavanja radi odmora i obavljanja carinskih procedura.

2. DAN 05/05/22 četvrtak PADOVA – ARQUA PETRARCA – VICENZA – AFFI

U jutarnjim časovima stižemo u suncem obasjanu PADOVU, jedan od najstarijih gradova Severne Italije. Pješački obilazak glavnih znamenitosti istorijskog centra grada: Piazza Prato del Vale, Duomo St. Antonio, Piazza Erbe, Piazza Sinorita, sjedište univerziteta u Palazzo Bo... Slobodno vrijeme. Posjeta malom italijanskom selu ARQUA PETRARCA. Mjesto u kome se čini da je vrijeme odavno stalo, koje je zadržalo stari šarm srednjovjekovnog italijanskog sela. Naziv duguje slavnom Frančesku Petrarki, pjesniku koji je posljednje godine svog života proveo u njemu. Krivudavim i uskim ulicama obilazimo glavne znamenitosti sela, crkvu St. Maria Asunte u kojoj se nalazi grobnica slavnog pjesnika, kapelu St. Trinita, ulazimo u kuću-muzej Frančeska Petrarke gdje se mogu vidjeti autentični rukopisi i lični predmeti genija rane renesanse. Nastavljamo put ka gradu VICENZA, za čiju ljepotu je najzaslužniji čuveni arhitekta Andrea Palladio koji je izgradio veliki broj znamenitih građevina u gradu i njegovoj okolini. Slijedi obilazak gradskog jezgra, koje se zbog svoje ljepote od 1994. godine nalazi na UNESCO listi svjetske kulturne baštine: Corso Palladio, Basilica Palladiana, Palazzo del Capitano, Palazzo Chiericati, dolazimo do čuvenog pozorišta Teatro Olimpico. U večernjim časovima krećemo ka mjestu Montecchio Maggiore. Slijedi smještaj u hotel. Slobodno vrijeme. Noćenje.

3. DAN 06/05/22 petak SIRMIONE – TRENTO - (fakultativno)

Doručak. Slobodno vrijeme. Za one koje su se odlučili za fakultativni izlet, put nas vodi preko zapadnog oboda Veneta sve do regije Trentino-Alto Adige. Razgled počinjemo obalom Garde koja nas razdvaja od malog mondenskog gradića Sirmione. Obilazak Scaliger tvrđave, Crkve Santa Maria Maggiore. Slobodno vrijeme. Potom idemo ka sjeveru, ka Dolomitima i gradu TRENTO. Slijedi obilazak grada na rijeci Adige, uz šetnju do Piazza Duomo sa čuvenom Cattedrale di San Vigilio iz XII vijka, fontanom Neptuna i kućom Rela sa fasadom oslikanom freskama. Posjeta znamenitom dvorcu Buonconsiglio. Slobodno vrijeme do povratka u hotel. Noćenje.

4. DAN 07/05/22 subota BASSANO DEL GRAPPA – ASOLO – TRIESTE

Doručak. Odjava iz hotela. Nastavljamo put do mjesta gdje se susreću ravnice Veneta sa brdima koja vode do vrhova Alpa - stižemo u gradić BASSANO DEL GRAPPA, biser Veneta na rijeci Brente. Mješavina tipične arhitekture Veneta i drvenih balkona austrijskog šmeka ovaj gradić čini sve samo ne običnim. Obilazimo stari centar grada, Piazza Liberta, Torre Civica, prelazimo most Ponte Vecchio, i odlazimo do čuvene destilerije grape (rakije od groždja) Nardini, Slobodno vrijeme. Krećemo prema gradu ASOLO. Gradić u kome su živjeli ili ga često posjećivali mnogi bardovi evropske umjetnosti, počevši od čuvene glumice Elenore Duse, kompozitora Franciska Milipierija i Igora Stravinskog, Roberta Brauninga, do čuvenog Ernesta Hemingveja, Henrija Dzejmsa, Vilme Nerude, Đozua Kardučija, Freje Stark, Gabrijelea D'Anuncija... Samo mjesto se nalazi na uzvišenju i okovano je zidinama sa kojih se pruža prelijep pogled na

grad i njegove znamenitosti sa jedne i vinograde čuvene sorte Prosecco sa druge. Penjemo se na zidine grada, šetamo do Piazza Garibaldi, obilazimo katedralu - staro sjedište biskupa Treviza, zatim Palazzo Beltramini, Palazzo Pretorio. Slobodno vrijeme za "otkrivanje" uskih krivudavih ulica i mogućnost penjanja do srednjovjekovne tvrđave koja dominira na brdu iznad Asola. Nastavljamo naše putovanje ka gradu TRIESTE. Šetnja pored kanala Grande, Ponte Rosso, crkva Svetog Spiridona, Trg Ujedinjenja Italije...Slobodno vrijeme za večeru, shopping... U večernjim satima krećemo ka BiH.

5. DAN 08/05/22 nedjelja SARAJEVO

Dolazak u jutarnjim satima.

U cijenu je uračunato:

- Smještaj u sobama 1/2 na bazi 2 noćenja sa doručkom u hotelu 3*
- Prijevoz turističkim autobusom
- Troškovi organizacije putovanja
- Pratilac putovanja

U cijenu nije uračunato :

- Doplata za 1/1 (na upit)
- Fakultativni izleti: Sirmione i Trento 30 EUR
- Ulaznica za muzej kuću Petrarke 5 EUR
- Putničko zdravstveno osiguranje 3 KM /dan - osobe do 60 god., preko 60 god. cijena je 4KM /dan
- Boravišna taksa, plaća se na recepciji hotela i iznosi cca 2-4 EUR osoba/noć

Uslovi za ulazak u Italiju od 01.04. potrebna jedna od sljedećih stavki:

- ✓ potvrda o vakcinaciji sa vakcinama priznatim od Ema (Moderna, Pfizer, Astra Zeneca, Johnson & Johnson). 2 doze vakcine vaze 6 mjeseci, ako je prošlo to vrijeme, moraju imati treću dozu
- ILI potvrda o preboljenom Covidu, ne starija od 6 mjeseci
- ILI Antigenski rapid test ne stariji od 48 sata
- PRI ULASKU U ITALIJU SVAKI PUTNIK MORA ISPUNITI OBRAZAC PLF
- ✓ Djeca od 0 - 5,99 ne trebaju ništa
- ✓ Djeca od 6- 11,99 negativan antigenski test ili potvrda o prebolovanom Covidu ne starija od 180 dana (6 mjeseci)

Napomena: Kalkulacija rađena na bazi minimalno 40 putnika. Agencija zadržava pravo izmjene programa i cijene aranžmana ako ne bude dovoljan broj prijavljenih.

VALIDNOST PASOŠA MORA BITI MINIMALNO 6 MJESECI OD DANA ULASKA U ZEMLJU. Svaki putnik mora imati uplaćeno putničko zdravstveno osiguranje (vlastito ili uplaćeno putem agencije).